

取各府州縣因簿到官審勘開立前件大事限十日戶婚田土一切小事限五日俱要依律問報仰該吏按月銷繳前件庶使獄囚不致淹禁干連死於無辜若有仍前淹禁者當該官吏一体治罪

前件行巡按御史按察官查究禁革

各衙門有送發各該兵馬監追一應錢糧物料等項追完就便發落若遷遲悞久禁在監者一体致罪例

成化十七年四月二十日錦衣衛鎮撫司題寫審錄罪因事問得犯人李紳係錦衣衛鎮撫司軍餘由進士任戶部山東清吏司員外郎招称先該錦衣衛鎮撫司問得犯

人孫寬招称大興右衛指揮僉事孫驥收成化十五年二月內寬與在官張琪各不合攬到山東博興縣大戶張春等昌邑縣大戶姜叔保等黑豆價錢共一千八百九十一兩九錢四分八厘三毫各將銀侵用不與上納致被辦事官校緝獲追出銀錢等物一千二百二十四兩八錢連人奏送鎮撫司又追出銀錢等共五百一十八兩八分在官淨欠銀一百五十一兩六分一厘二毫未追得孫寬等通送戶部監追完日徑送刑部擬罪等因奏送到司先將追豆價銀錢等物貢付各該大戶領買上納餘欠銀一百五十一兩六分八厘二毫將孫寬等送該兵馬司收監陸續追

完付與大戶張春等收買豆料納完取獲通  
完取該兵馬司將張春等領狀連孫寬等復  
送到司是本司未到官署即中事負外郎袁  
江掌官司事不合不行查審止叅稱大戶張  
春等先於成化十五年八月內納完料豆出  
給通關去訖其孫寬張琪迺至成化十六年  
二月內方纔開稱追完給領送來中間恐有  
虛詐却不合將孫寬等就仰兵馬司帶回仍  
拘大戶張春等面審明白轉送施行等因至  
本年八月二十四日有袁江蒙本部差往河  
東運司清理鹽法去訖是紳接管却不合  
失於行查該兵馬司今在官副指揮王昇明  
知張春等迴還日久亦不合不行申稟以

致將各犯一向監候未曾發落今蒙

欽差太監懷

等審錄罪囚會審得孫寬張琪前情明

白當今該兵馬司領回徑送戶部轉送刑部  
收問外將紳等叅奏拿送到司問招前情是  
實及問得王昇外招同查先該太監懷 等  
叅稱戶部山東清吏司原行署即中事員外  
郎袁江接管不行員外郎李紳既據該兵馬  
司手本開稱孫寬等追完原欠豆價給付大戶  
張春等收領其張春等又納獲通關回還原  
籍去訖無憑面審事難憑信自合先將孫寬  
等轉送法司擬罪發落類行張春原籍官司  
查勘為當却乃朦朧止行該兵馬司拘要并不  
行摧及兵馬司承行副指揮王昇亦明知張春



等回還日久不行明白申稟止將孫寬等俱收在監以致淹禁一年之上事無絕俱屬有違合當問當罪乞將各官拿送法司問擬如律照例發落仍乞

勅各衛衙門今後但有送發各該兵馬司監追一應錢糧物料等項各要作急追完其已完者就便發落里老軍官旗吏不許符同隱蔽敢有隱犯死罪照例施行外旗舍調烟瘴衛所差操其守備官軍等項都指揮指揮千百戶有犯者俱究問明白監候奏

問區處有能捕獲告官者於人名下追銀伍兩給賞緣係禁革違憲及奉

欽依該衛衙門知道事理未敢擅便具題次日奉聖旨是欽此

人命不該償命與被犯情願輸服者俱免檢

驗例  
成化二十一年十二月二十六日禮禮等衙門題寫違言民情事

計開

一立法務以禁強扶弱華弊為本掌法貴於伸冤理枉安民為先臣竊見謀改開歐戲悞等殺坐罪有尊屬親卑他人之異今在外府不分人命輕重應否償命輒便委官帶領吏許人等虛張声势勢拘集地方里隣知見人等到官責辨什物就要開棺檢驗吏件吏兵